

# Voces de Queempostela

Folleto de  
información mensal

Nº25 Setembro 1999

Editado polo CGC

## GALIZA

### Éxito da manifestación

O pasado dia 17 de setembro organizou-se na Coruña unha manifestación para protestar contra as agresións homofóbicas que se veñen producindo no país e, más en concreto, contra a última denunciada, na que un voluntario do CGC fora apuñalado nos Xardins de Méndez Núñez dessa cidade. A organización convocante, o grupo gai coruñés Mil-Homes, cualificou de éxito a mobilización, á que acudiron sobre unhas 500 persoas. Ademais do CGC, á manifestación acudiron varios partidos políticos da esquerda e diversas asociacións. A manifestación, que contou cunha ampla cobertura mediática, saíu dos Xardins de Méndez Núñez e percorreu diferentes rúas da cidade para finalizar na Praza de María Pita, onde se leu un manifesto. Para o CGC, esta manifestación trata-se dun feito histórico no movemento homosexual galego, xa que non se facía un acto de protesta destas características desde a manifestación do Dia do Orgullo en Vigo, a comezos dos oitenta.

### Entrevista co Valedor do Povo

O CGC, tras a última agresión homofóbica producida na Coruña, solicitou unha nova entrevista co Valedor do Povo centrada en exclusiva sobre a violencia homofóbica na Galiza. A asociación xa obtivo unha resposta positiva por parte do gabinete do Valedor e espera poder realizar o encontro en breve. O CGC xa se entrevistara co Valedor do Povo hai dous anos para tratar a discriminación das parellas homosexuais na Lei de Familia que naquela altura se estaba a tramitar no Parlamento da Galiza.

### Telefone de atención

O CGC acaba de establecer unha liña de atención telefónica à cidadanía. O número é o 696-81-92-97. Trata-se dun teléfono móvil que estará a cargo dun voluntario diferente cada dia e no que se proporcionará información sobre o CGC e as suas actividades, así como sobre a homosexualidade en xeral. Co teléfono tamén se pretende prestar axuda e asesoramento imediatos a toda aquela persoa que a necesite.

### Sen rexistro en Baiona

O pasado 17 de setembro o pleno municipal de baiona rexeitou a proposta presentada polo PSDG-PSOE para a creación dun rexistro de parellas de feito no concello. O PSOE, o grupo no poder, non foi apoiado na votación polo grupo de independentes, os seus sóciros actuais, nem polo PP. O voceiro dos independentes argumentou que un rexistro de tales características podería atraer homosexuais en masa para o concello, o que, segundo el, prexudicaría o turismo, un dos principais recursos dessa vila pontevedresa. Polo de agora, o CGC descoñece cal foi a reacción do grupo gai de Vigo. Legays.



### Actos do 10º aniversario

Este outono o CGC cumple 10 anos de existencia. Para celebrá-lo, a asociación comezou a traballar na organización dunha serie de actos. Estando ainda por concretar o programa, prevé-se a organización dun encontro de asociacións lesbicas galego-portuguesas, unha exposición de cartazes un guateque, unha festa e un parladoiro. O CGC convida desde xa a toda a cidadanía, e en especial a todos grupos gais e lesbicos da Galiza e Portugal, a que se sumen ás celebracións. Se tes ideas ao respecto ou queres colaborar na organización, contactanos por teléfono, correo electrónico ou ordinario, ou pasa polo local no horario de permanencias.

## **Cancelacións en Lisboa**

O retraso da axuda por parte da administración portuguesa obrigou a cancelar xa dous eventos en Lisboa programados polas asociacións homosexuais do país veciño. Así, a II<sup>a</sup> Conferencia Mundial da Cultura Gai e Lésbica, programada en Lisboa para comezos do vindeiro mes de novembro, tivo de ser cancelada. Ainda pior foi o fracaso na organización da III Marcha de Solidariedade para con as Pessoas Afectadas polo VIH/Sida, debido ao retraso con que chegou a achega económica -finalmente moi recortada, ademais- da Comisión Nacional de Luta Contra a Sida. Ante a tardanza e escaseza da axuda, apenas puderon as organizacións convocantes difundir a celebración deste acto, ao que só acudiron pouco máis de 50 persoas.



## **Cria-se un grupo gai conservador**

A finais deste verán criou-se no Estado Español a Plataforma Popular Gay. Trata-se dun grupo constituído por homosexuais que militan no seo do Partido Popular. Con todo, a Plataforma non fai parte da estrutura do partido que segue negando o desenvolvimeto dunha liña política específica para gais e lésbicas. Desde a Plataforma defendese o carácter centrista do PP, ainda que non poida xustificar a negativa deste partido a aprobar unha lei de parellas de feito ou a actuar decididamente contra a violencia homofóbica. O grupo marca-se como obxectivo concienciar o PP da necesidade de lle prestar máis atención á comunidade homosexual. Segundo Alberto Biendicho,

presidente da Plataforma, isto só se conseguirá "facendo moito ruído" no seo do partido. Biendicho traballa na revista española Zero, onde se ocupa da sección de saúde e prevención da sida.

## **O FAGC disposto ao outing**

O grupo gai catalán Front d'Alliberament Gai de Catalunya, decano do movemento homosexual no Estado Español, anunciou na prensa estar disposto a praticar lle o outing a máis de vinte cargos públicos do Partido Popular se este non revisaba a sua posición a respecto dos problemas das e dos homosexuais. Despois de que a asociación madrileña COGAM insinua-se o mesmo hai dous anos, ao ser rexeitado o proxecto de lei de parellas de feito, a declaración do FAGC é a primeira adverténcia séria de práctica do outing no Estado. Imediatamente despois do anuncio desta asociación, iniciou-se un debate sobre a conveniencia desta práctica reivindicativa anglosaxona na prensa iesbigal española. A actual postura do CGC é contraria ao outing.

## **O PS portugués recúa**

No pasado mes de maio, o Partido Socialista no goberno en Portugal, retirou sen dar explicacións claras o seu proxecto de revisión do réxime xurídico unións de feito. Esta revisión contemplaba unha equiparación de direitos para as parellas homosexuais. Malia esperar-se a aprobación desta revisión no parlamento, o PS retirou-na a última hora do debate parlamentar. A protesta das asociacións lesbigais portuguesas, sorprendidas e indignadas, foi case inmediata.

## **Enciclopédia gai e lésbica**

A editorial española Salvat lanzou neste mes de setembro a primeira enciclopedia sobre a homosexualidade Homo, que é o nome desse proxecto no que colaboran coñecidos escritores e xornalistas gais dos ambientes madrileño e barcelonés, edita-se por tomos que saen á rua de xeito quincenal. A obra fai un repaso á historia da homosexualidade desde a antigüidade até hoxe. Contudo non faltou a polémica sobre a campaña publicitaria, na que só aparecen modelos masculinos, obviando-se a imaxe da muller. As protestas das lésbicas deixaronse oír xa no próprio acto de presentación da enciclopedia.

## Sida: esquece-se a prevención !!!

Un estudo recente da Universidade do Sul de Carolina (EEUU) concluiu en que canto máis optimistas son os gais sobre a superación da sida, máis proclives son a realizar prácticas sexuais de risco. Segundo este estudo, o 41% dos gais estadounidenses más novos, de entre 15 e 22 anos, non utiliza o condón nas súas relacións sexuais. Conforme estas fontes, os gais adolescentes tenden a pensar que a sida é causa da xeración anterior. Por outra banda, nos últimos meses diferentes voces de alarma advertian sobre a recuperación de hábitos sexuais da era pré-sida nas comunidades más importantes dos EEUU. Esta relaxación debe-se á opinión cada vez máis xeneralizada de que a sida deixou de ser mortal cos novos tratamentos baseados en inibidores da proteasa. Sen embargo, mália o considerábel aumento da esperanza e calidade de vida das persoas seropositivas, os novos tratamentos non impiden nem o contáxio do VIH nem a morte que pode producir o desenvolvemento da actividade deste virus no corpo humano.



## Outing a Portillo no Reino Unido

O xefe do partido conservador británico, Michael Portillo, foi obxecto dun outing nas pasadas semanas por parte do grupo gai Outrage. Ante as declaracíons dun antigo amante, Portillo tivo que admitir que durante a sua mocidade universitaria tivera varias experiencias homosexuais. Portillo votara en 1994 en contra da equiparación para heteros e homosexuais da idade mínima de consentimento para manter relacións sexuais e, logo, como ministro de Defensa no goberno de John Major, xustificara a persecución que sufren gais e lésbicas nas forzas armadas británicas. Fóra da polémica, ainda se descoñecen as consecuencias que implicará este outing na carreira política de Portillo.

## Contrato de Unións en Bélxica

O parlamento belga aprovou a comezos de setembro unha lei de Contrato de Unións Civis que se poderá aplicar ás parellas homosexuais. Aínda que reconoce os direitos da parella a respecto de bens comúns e outras prestacións, o Contrato non reconece direitos fiscais e de herdanza. As asociacións homosexuais belgas xa expresaron publicamente a sua insatisfacción coa nova lei e o seu empeño en acadar a equiparación total de direitos para as parellas gais e lésbicas.

## Adopción en Suécia

Unha comisión parlamentar sueca está a estudar a posibilidade de conceder-lles ás parellas homosexuais o direito de adopción. Suécia aprovou hai uns anos unha lei de parellas de feito na que se lles proibia expresamente a adopción ás parellas homosexuais. Todo indica que a comisión valorará positivamente a co-adopción na parella cando un dos seus membros sexa proxenitor do neno ou nena en cuestión. Para o resto dos casos o consenso ainda non se dá acadado no seo da comisión.

## Avogado ameazado na França

O avogado Philippe Meynard, fóra do armario e que traballa na equipa de goberno dun concello perto de Bordeaux, soíreu ameazas de morte telefónicas por apoiar publicamente a aprobación da PACS -a lei de parellas de feito na França- nunha reunión do seu partido, a UDF. A UDF é un dos principais partidos conservadores galos e está a destacar no debate sobre a PACS pola sua férrea oposición ao proxecto. Meynard, sen embargo, non é o único membro da UDF que está a favor da lei. Até o de agora descoñeceuse a orixe das ameazas.



# Anúncios de Balde

## Contactos

✿ Busco un home para amizade e o que veña logo. O físico non é o máis importante, pero si a honestidade e a sinceridade. Zona de Galicia. Eu teño 32 anos, son moreno, ollos castaños, 1'61 m., corpo xeneroso. Amais de ser pasivo a tope, gusto de cocinar e das plantas, pero tamén me gusta ir de marcha. Busco e dou cariño e comprensión. Absterse bromistas ou curiosos. Escríbeme á Rúa Belvís nº7 baixo, 15703 Compostela

✿ Me llamo José, vivo en Madrid, 36 años, 1'70 m., 60 kg.. Interesado en: música, cine, historia, idiomas, naturaleza. Me gustaría contactar gente 27-42, con intereses similares. Jose, Apdo. 50205, 28080 Madrid.

✿ Soy Lucía, tengo 18 años, piel blanca, pelo negro, ojos pardos, 1'65 de estatura. Deseo correspondencia con personas de todo el mundo. Dirección: Lucía Loria González/C. Central km.12 #11801/CP 19180 C.Habana /Cuba. Tf: 91-40-60.

✿ Carlos. 39 años, 1'70 m., 75 kg., moreno, ojos azules, pelo corto, sano y discreto. Busco tío entre 22 y 40 años, simpático y tierno para amistad y SSR. Abierto a sugerencias. Sólo gente sana y discreta. Apartado de correos 2093 / 15780 Compostela.

Lembra, anunciar-te nesta sección do *Voces de Queempostela* é totalmente gratis. Non só podes pór anúncios de contactos, tamén caben aquí mensaxes nas que se busca vivenda, intercambios, ofertas ou demandas de trabajo, etc... Pode anunciar-se toda a persoa que o queira, non só gais e lesbianas! Só tes que enviar o texto (claríño) do teu anuncio por correo electrónico ou ao apartado de correos do CGC. Se queres, tamén o podes entregar en persoa no local do colectivo nas horas de permanencias. Anima-te e anúnciate !!!



## Asociaciones homosexuais da Galiza

### Colectivo Gai de Compostela

Local: Rua Entremuros, 16B, Baixo, Compostela.  
Permanencias, luns, mércores, xoves e venres de 20:30 a 21 horas. Reunión semanal, martes ás 20:30 horas.  
Correo: Apdo. 191 / 15780 Compostela  
Correo electrónico: [gacompos@hotmail.com](mailto:gacompos@hotmail.com)  
Páxina Web: [www.geocities.com/westhollywood/9463](http://www.geocities.com/westhollywood/9463)

### BOGA - Colectivo de Lesbianas de Galicia

Correo: Apartado 2169 / 15780 Compostela  
Correo electrónico: [lesbicompas@hotmail.com](mailto:lesbicompas@hotmail.com)  
Teléfono: 919-34-67-53

### Mil-Homes, Grupo Gai da Coruña

Correo: Apartado 24 / 15080 A Coruña

### CALEGA (Gais e Lesbianas de Galicia)

Correo: Apartado 665 / 27001 Lugo  
Teléfono: (982) 24-45-60, extensión 1

### CGLOU (Colectivo Gai e Lésbico Ourensán)

Correo: Apartado 162 / 32003 Ourense  
Local: Dr. Fleming, nº 43 - Soto. Reunión semanal:  
venres de 10 a 13 h.  
Correo electrónico: [c glo@lettera.net](mailto:c glo@lettera.net)